

INTERNACIONALNI UNIVERZITET U SARAJEVU

Internacional university of Sarajevo

Broj:IUS- SENAT 11-808/11

**P R A V I L N I K
O NAUČNO-ISTRAŽIVAČKOJ DJELATNOSTI
I AKADEMSKIM ZVANJIMA
NA INTERNACIONALNOM UNIVERZITETU U
SARAJEVU**

Na osnovu člana 126. stav 2. pod c) Zakona o visokom obrazovanju - Prečišćeni tekst ("Službene novine Kantona Sarajevo", broj: 22/10) i člana 69. Statuta Internacionalnog univerziteta u Sarajevu (**u daljem tekstu: Statut**), broj OPU-IP:131/11, od 08.03.2011. godine, Senat Internacionalnog univerziteta u Sarajevu (**u daljem tekstu: Senat**) po prethodno pribavljenom mišljenju Upravnog odbora Internacionalnog univerziteta u Sarajevu (**u daljem tekstu: Upravni odbor**), na redovnoj sjednici održanoj u Sarajevu, 21.06.2011. godine, usvojio je

P R A V I L N I K **O NAUČNO-ISTRAŽIVAČKOJ / UMJETNIČKO-ISTRAŽIVAČKOJ DJELATNOSTI I** **AKADEMSKIM ZVANJIMA**

I OPĆE ODREDBE

Član 1.

Pravilnikom o naučno-istraživačkoj / umjetničko-istraživačkoj djelatnosti i akademskim zvanjima Internacionalnog Univerziteta u Sarajevu (**u daljem tekstu: Pravilnik**) uređuje se: naučno-istraživačka / umjetničko-istraživačka djelatnost, nosioci naučno-istraživačke / umjetničko-istraživačke djelatnosti, naučna, istraživačka, naučno-nastavna i umjetničko-nastavna zvanja te uslovi i postupak za izbor u akademska zvanja na Internacionalnom Univerzitetu u Sarajevu (**u daljem tekstu: Univerzitet**).

Član 2.

- 1) Naučno-istraživačka djelatnost u smislu ovog Pravilnika obuhvata naučno-istraživački rad, objavljivanje rezultata naučno-istraživačkog rada, osposobljavanje kadrova za naučno-istraživački rad i usavršavanje naučnika i istraživača.
- 2) Naučno-istraživački rad obuhvata fundamentalna, primijenjena i razvojna istraživanja u skladu sa Zakonom o naučno-istraživačkoj djelatnosti.
- 3) Rezultati naučno-istraživačkog rada vrednuju se objavljivanjem u naučnim publikacijama ili provjerom u praksi, a trebaju da sadrže elemente izvornosti i novosti.
- 4) Osposobljavanje kadrova za naučno-istraživački rad podrazumijeva stvaranje uslova za sticanje naučnog stepena magistra i doktora nauka.
- 5) Usavršavanje naučnika i istraživača podrazumijeva sticanje novih i produbljivanje stečenih znanja putem različitih oblika usavršavanja.
- 6) Umjetničko-istraživačka djelatnost u smislu ovog pravilnika obuhvata vrhunsko umjetničko stvaralaštvo i naučno-istraživačku djelatnost u području umjetnosti

Član 3.

Naučno-istraživačku i umjetničko-istraživačku djelatnost obavlja Univerzitet putem organizacionih jedinica (fakulteta, naučnih instituta, centara) i podorganizacionih jedinica (naučnih instituta organizacionih jedinica, laboratorija i centara).

II NOSIOCI NAUČNO-ISTRAŽIVAČKE / UMJETNIČKO-ISTRAŽIVAČKE **DJELATNOSTI**

Član 4.

- 1) Naučno-istraživačku djelatnost na Univerzitetu mogu obavljati naučnici i istraživači izabrani u odgovarajuće naučno odnosno istraživačko zvanje u skladu sa Zakonom o naučno-istraživačkoj djelatnosti, Statutom Univerziteta i ovim Pravilnikom, te lica izabrana u naučnonastavna zvanja u

skladu sa Zakonom o visokom obrazovanju Kantona Sarajevo i Statutom Univerziteta. kao i osoblje univerziteta kojima je odlukom senata izvršena ekvivalencija naučnihastavno u naučnoistraživačka zvanja i obrnuto

- 2) Lica izabrana u umjetničko-nastavna zvanja na Univerzitetu bave se umjetničko-istraživačkom djelatnošću koja podrazumjeva umjetničko-istraživački rad na projektima i umjetničko usavršavanje.

Naučna i istraživačka zvanja

Član 5.

- 1) Naučna zvanja na Univerzitetu su:

- naučni saradnik;
- viši naučni saradnik;
- naučni savjetnik.

- 2) Istraživačka zvanja na Univerzitetu su:

- stručni saradnik;
- viši stručni saradnik;
- stručni savjetnik.

- 3) Postupak i uslovi za izbor u naučna i istraživačka zvanja utvrđeni su Zakonom o naučnoistraživačkoj djelatnosti Kantona Sarajevo.

Naučno-nastavna i umjetničko-nastavna zvanja

Član 6.

Univerzitet dodjeljuje naučno-nastavna i umjetničko-nastavna zvanja, i to:

- a) redovni profesor;
- b) vanredni profesor;
- c) docent;
- d) viši asistent;
- e) asistent.

Član 7.

- 1) Minimalni uslovi za izbor u naučno-nastavna zvanja na su:

- a) asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8 ili 3,5;
- b) viši asistent: stepen drugog ciklusa studija (magisterij);
- c) lektor: stepen drugog ciklusa studija (magisterij);
- d) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- e) vanredni profesor: proveden najmanje jedan izborni periodu zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta te mentorstvo najmanje jednog kandidata za stepen drugog ciklusa studija;
- f) redovni profesor: proveden najmanje jedan izborni periodu zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim

publikacijama, sve nakon sticanja zvanja vanrednog profesora te mentorstvo najmanje po jednog kandidata za stepen drugog i trećeg ciklusa studija.

- g) U slučaju da kandidat pri izboru u zvanja iz objektivnih razloga nije mogao ispuniti uvjet mentorstva za drugi, odnosno treći ciklus studija, uvodi se ekvivalencija odnosno substitucija mentorstva sa tri dodatna naučna rada (minimalno 30 poena iz kategorije A, B i E I F).
- h) Objektivni razlozi definiraju se statutom visokoskolske ustanove

2) Minimalni uvjeti za izbor u umjetničko-nastavna zvanja u koja se bira akademsko osoblje na nastavnim programima na Univerzitetu ako je za nastavni predmet od naročito značaja umjetnički kriterij su:

- a) asistent: završen stepen prvog ciklusa studija, s najmanje 240 ECTS bodova i prosječnom ocjenom 8 ili 3,5;
- b) viši asistent: završen stepen drugog ciklusa studija, odnosno stepen prvog ciklusa i javno predstavljeni oblici umjetničkog stvaralaštva;
- c) docent: završen stepen najmanje prvog ciklusa studija, veći broj javno predstavljenih oblika umjetničkog stvaralaštva i pokazani rezultati u nastavnom radu;
- d) vanredni profesor: završen stepen najmanje prvog ciklusa studija, veći broj javno predstavljenih oblika umjetničkog stvaralaštva, priznanja za uspješno djelovanje u odgovarajućoj oblasti umjetnosti i pokazani rezultati u nastavnom radu;
- e) redovni profesor: završen stepen najmanje prvog ciklusa studija, veći broj javno predstavljenih oblika umjetničkog stvaralaštva koji su značajno doprinijeli razvoju kulture i umjetnosti i doprinos podizanju nastavnog i umjetničkog kadra.

Član 8.

Objavljeni radovi prilikom izbora akademskog osoblja u naučnonastavna zvanja, vrednuju se po sljedećim kriterijima:

Ozn.	Vrsta publikacije	Poena	Napomena
A	Naučna publikacija u naučnom žurnalu koji se nalazi u domaćim ili međunarodnim bazama podataka iz Registra publikacija ili ima pozitivnu recenziju od najmanje dva recenzenta	10	
B	Naučna publikacija u zborniku radova koji se nalazi u domaćim ili međunarodnim bazama podataka iz Registra publikacija ili ima pozitivnu recenziju od najmanje dva recenzenta	10	
C	Objavljena knjiga kao tematski cjelovit, recenziran stručni ili umjetnički sadržaj, koji tematizira određenu oblast, nikada prije nije bio publiciran, koji je katalogiziran i dostupan	20	
D	Objavljen udzbenik, recenziran stručni ili umjetnički sadržaj, koji tematizira određenu oblast, nikada prije nije bio publiciran, koji je katalogiziran i dostupan	10	
E	Poglavlje u knjizi kao tematskom cjelovitom, recenziranom stručno ili umjetničkom sadržaju, koji tematizira određenu oblast, nikada prije nije bio publiciran, koji je katalogiziran i dostupan	10	
F	Naučna publikacija u naučnom žurnalu koji se ne nalazi u Registru publikacija	5	Maksimalno 10 poena iz ove grupe
G	Mentorstvo kandidata za stepen drugog ciklusa studija	2	Maksimalno 4 poena iz ove grupe
H	Mentorstvo kandidata za stepen trećeg ciklusa studija	2	Maksimalno 4 poena iz ove grupe

Član 9.

- 1) Uslovi za izbor u naučnonastavna zvanja docenta, vanrednog profesora i profesora definisani prethodnom članu, a koji se tiču publikovanja knjiga i naučnih radova su:

Naučnonastavno zvanje	Minimalno poena	Pojašnjenje
Docent	30	Minimalno 30 poena iz grupe A, B i F
Vanredni profesor	62	Minimalno: 50 poena iz grupe A, B, E i F, 10 poena iz grupe C ili iz grupe D ili iz grupe E, 2 poena iz grupe G
Redovni profesor	104	Minimalno: 80 poena iz grupe A, B, E i F, 40 poena iz grupe C ili grupe D grupe E, 2 poena iz grupe G, 2 poena iz grupe H

- 2) Prilikom izbora u isto ili više naučno-nastavno zvanje uzimaju se u obzir samo objavljeni radovi, knjige i rezultati vlastitih istraživanja u primjeni, projekti te mentorstva odnosno rezultati ostvareni u radu akademskog osoblja nakon izvršenog posljednjeg izbora u zvanje, i koji se obavezno prilažu prilikom svakog izbora u zvanje.

Član 10.

Prilikom evaluacije akademskog osoblja koje konkuriše za izbor u umjetničko-nastavna zvanja, vrednuju se sljedeći kriteriji:

Ozn.	Kriterij	Poena	Napomena
A	Javno predstavljene oblici umjetničkog stvaralaštva	10	
B	Javno predstavljene oblici umjetničkog stvaralaštva koji su značajno doprinijeli razvoju kulture i umjetnosti i	20	
C	Doprinos podizanju nastavnog i umjetničkog kadra.	20	
D	Pokazani rezultati u nastavnom radu	10	
E	Priznanja za uspješno djelovanje u odgovarajućoj oblasti umjetnosti	20	

Član 11.

- 1) Uslovi za izbor u umjetničko-nastavna zvanja docenta, vanrednog profesora i profesora definisani u prethodnom članu su:

Umjetničko- nastavno zvanje	Minimalno poena	Pojašnjenje
Docent	40	Minimalno: 30 poena iz grupe A , 10 poena iz grupe D
Vanredni profesor	60	Minimalno: 30 poena iz grupe A, 20 poena iz grupe E, 10 poena iz grupe D
Redovni profesor	80	Minimalno: 60 poena iz grupe B, 20 poena iz grupe C

- 2) Prilikom izbora u isto ili više umjetničko-nastavno zvanje uzimaju se u obzir samo javno predstavljene oblici umjetničkog stvaralaštva odnosno rezultati ostvareni u radu akademskog osoblja nakon izvršenog posljednjeg izbora u zvanje, i koji se obavezno prilažu prilikom svakog izbora u zvanje.

Član 12.

- 1) Član akademskog osoblja zaključuje ugovor o radu s visokoškolskom ustanovom na period na koji je izabran. Član akademskog osoblja (strani državljanin) zaključuje ugovor o radu isključivo na određeno vrijeme, odnosno na period na koji glasi radna dozvola. Produženje radne dozvole dispozitivna je odluka poslodavca.
- 2) Nakon isteka tog perioda visokoškolska ustanova obavezna je zaključiti novi ugovor o radu sa svakim članom akademskog osoblja koji je izabran u isto ili više akademsko zvanje, osim u slučaju stranih državljana.
- 3) Redovni profesor (državljanin BiH) zaključuje ugovor o radu na neodređeno vrijeme.
- 4) Rokovi za izbor u isto ili više znanje akademskog osoblja produžit će se za vrijeme provedeno na porodiljskom odsustvu, bolovanju dužem od šest mjeseci, javnoj dužnosti ili iz drugih opravdanih razloga.
- 5) Članu akademskog osoblja koji nakon isteka izbornog perioda ne bude izabran u isto ili više zvanje Univerzitet može, prije otkazivanja ugovora o radu, ponuditi članu akademskog osoblja zaključivanje novog ugovora o radu na poslovima za koje se ne traži izbor u akademsko zvanje ako za to postoji mogućnost i potreba.

III NAUČNO/UMJETNIČKO-ISTRAŽIVAČKI PROJEKTI

Član 13.

- 1) Učestvovanje Univerziteta u projektu odobrava rektor Univerziteta na osnovu popunjenog obrasca zahtjeva za odobrenje učešća u projektu (obrazac u prilogu).
- 2) Kod učešća u industrijskim projektima, Univerzitet zadržava 30% ukupnih sredstava projekta po osnovu općih (overhead) troškova.
- 3) Kod učešća u projekatima finansiranim od strane različitih agencija (domaće ili stranih vlada, Evropske Unije itd.), iznos koji pripada Univerzitetu po osnovu općih (overhead) troškova definisan je javnim pozivom za učešće u datim projektima.
- 4) Po prijemu obavještenja o prihvatanju učešća Univerziteta u projektu, generalni sekretar Univerziteta će zaprima predloženi ugovor o realizaciji projekta, i na osnovu istog pripremiti poseban ugovor između Univerziteta i zaposlenika Univerziteta odgovornog za realizaciju projekta.

IV POSTUPAK IZBORA U AKADEMSKA ZVANJA

Član 14.

- 1) Zbog isteka perioda na koji su nastavnici izabrani, ili zbog potrebe Univerziteta za većim brojem akademskog osoblja u naučno-nastavnom procesu, pokreće se postupak za izbor lica u akademska zvanja.
- 2) Postupak iz prethodnog stava mora biti okončan do datuma isteka izbornog perioda prethodno izabranog člana akademskog osoblja.

Član 15.

- 1) Postupak izbora akademskog osoblja pokreće Vijeće fakulteta donošenjem odluke o potrebi za angažovanjem akademskog osoblja.
- 2) Na osnovu odluke iz prethodnog stava, Senat raspisuje konkurs za izbor akademskog osoblja.

- 3) Konkurs, iz stava 1. ovog člana, obavezno se raspisuje za sva akademska zvanja, u jednom od dnevnih listova i na web stranici Univerziteta.
- 4) Rok za podnošenje prijave na konkurs, iz stava 1. ovog člana određuje senat odlukom o raspisivanju konkursa, a koji ne može biti kraći od 7 dana, računajući od dana njegovog objavljivanja.

Član 16.

- 1) Nakon raspisanog konkursa, a radi pripremanja prijedloga za izbor, imenuje se komisija iz redova akademskog osoblja u istom ili višem zvanju od onoga u koje se kandidat bira.
- 2) Komisiju, iz prethodnog stava, koja broji tri ili pet članova, imenuje vijeće fakulteta.
- 3) Većina članova komisije mora biti iz iste, a ostali iz srodne naučne, odnosno umjetničke oblasti, za koju se kandidat bira.
- 4) Komisija za pripremanje prijedloga za izbor sačinjava zajednički izvještaj samo za one kandidate čije su prijave potpune i blagovremene, u roku od 30 dana od isteka roka za podnošenje prijave na konkurs.

Član 17.

- 1) Izvještaj komisije treba da sadrži biografske podatke o kandidatu, pregled i ocjenu njegove naučne/umjetničke aktivnosti, spisak i analizu radova koje je kandidat izradio kao autor, kao saradnik, spisak objavljenih radova u naučnim i stručnim časopisima i zbornicima kao i spisak referata na kongresima i spisak patenata, uspjeh kandidata u obrazovnom procesu i njegov aktivan doprinos istom, naučni/umjetnički doprinos i priznanja te decidno formulisan prijedlog u koje se zvanje kandidat bira.
- 2) IUS vodi Registar domaćih i međunarodnih baza podataka. Radovi objavljeni u domaćim i međunarodnim publikacijama koje prate međunarodne baze podataka definisane u Registru, uzimaće se kao relevantne u postupku izbora u akademska zvanja.
Radovi objavljeni u publikaciji koju ne prate međunarodne baze podataka, smatra se relevantnim u postupku izbora u akademska zvanja ukoliko je recenziran od najmanje dva recenzenta, o čemu kandidat dostavlja dokaz u prijavi.
- 3) Komisija uzima u obzir evaluaciju kandidata od strane studenata tokom godina rada koje je kandidat proveo u nastavi kao i evaluaciju kandidata od strane rukovodioca organizacione jedinice Univerziteta, ukoliko se radi o kandidatu koji je već učestvovao u realizaciji nastave na Univerzitetu, odnosno ukoliko je kandidat dostavio validne dokaze o evaluaciji sa druge visokoškolske ustanove.
- 4) U slučaju da se na raspisani konkurs za izbor u naučno-nastavna odnosno umjetničko-nastavna zvanja prijave dva ili više kandidata za isto zvanje, a koji ispunjavaju minimalne uslove za izbor propisane zakonom i općim aktima Univerziteta, Komisija ima pravo dati prednost kandidatu koji je zaposlenik IUS-a te koji se prijavljuje za izbor u isto ili više zvanje na IUS-u, iako je ocjenjen sa manje bodova od drugih kandidata koji nisu zaposlenici IUS-a. U slučaju da se na konkurs prijave dva ili više zaposlenika IUS-a, prednost pri izboru će se dati onom koji bude ocjenjen sa najvećim brojem bodova u skladu sa ovim Pravilnikom."
- 5) Ukoliko vijeće donese pozitivnu odluku o izboru, istu dostavlja Senatu Univerziteta u vidu prijedloga odluke o izboru u naučnonastavno odnosno umjetničkonastavno zvanje.
Senat Univerziteta je dužan, najkasnije u roku od 30 (trideset) dana od prijema prijedloga, donijeti odluku o predloženom izboru u zvanje.

- 6) Ukoliko Senat odbije da da saglasnost na prijedlog vijeća, vijeće fakulteta koje je predložilo izbor ima pravo da se izjasni o odluci Senata u roku od 20 dana od dana prijema odluke o odbijanju.
- 7) Senat će na osnovu izjašnjenja vijeća fakulteta, u roku od 30 dana od prijema izjašnjenja donijeti konačnu odluku o izboru u zvanja.

Član 18.

Dekan fakulteta je odgovoran da se postupak za pripremanje prijedloga za izbor u akademsko zvanje provede u rokovima utvrđenim ovim Pravilnikom.

V PRELAZNE I ZAVRŠNE ZAVRŠNE ODREDBE

Član 19.

Izmjene i dopune ovog Pravilnika vrše se na način i po postupku utvrđenom za njegovo donošenje.

Član 20.

Za tumačenje odredaba ovog Pravilnika nadležan je Senat Univerziteta.

Član 21.

Ovaj Pravilnik stupa na snagu narednog dana od dana objavljivanja na oglasnoj tabli Univerziteta i WEB stranici Univerziteta.

PREDSJEDNIK SENATA

Prof. dr Hilmi Ünlü

POTVRDA O OBJAVLJIVANJU PRAVILNIKA

Otpravak ovog Pravilnika objavljen je isticanjem na oglasnoj tabli Internacionalnog univerziteta u Sarajevu _____.2011. godine, u _____sati;

Otpravak ovog Pravilnika objavljen je stavljanjem teksta istog na WEB stranicu Internacionalnog univerziteta u Sarajevu _____2011. godine, u _____sati.

PREDSJEDNIK SENATA

Prof. dr Hilmi Ünlü